



Synfocity = 388

3rd May, 2012

mail us at : mzsynfo@gmail.com; mizoramsynod@gmail.com - Phone - 2314648

□ PCI Biennial General Assembly vawi 40-na

Presbyterian Church of India (PCI) chuan zanin atangin Champhai Vengsang Kohhran Biak Inah Biennial General Conference vawi 40-na an tan dawn. Vawiin hi Palai thlen kim ni a ni a, zan dar 7:00-ah inkhawm tan a ni ang. General Assembly hmang tur hian Mizoram Synod aiawh Palaite chu tukin dar 9:00 khan bus 12 hmangin Synod Office atangin Champhai panin an chhuak a ni.

Tukin May 3, 2012 zing dar 7:00–11:00 chhung khan Standing Committee an thukhawm a, 12:00–4:00 chhungin Executive Committee Meeting a awm leh bawk. Zanin dar 6:00 hian hawna inkhawm neih a ni ang a, Bible chhiar leh tawngtaia hun hmang turin Upa Prof. Lianzela, Mizoram Synod ruat a ni a, a thlengtu Champhai Vengsang Kohhran atangin palaite lawmna thu ngaihthlak a ni ang. PCI Moderator thuchah ngaihthlak a ni ang a, Champhai Vengsang Bial Zaipawl leh Champhai Kanan Bial Zaipawl ten Pathian faknahla an rem ang. Zan dar 8:00-ah Nomination Committee an thukhawm ve leh ang.

Zing dar 7:30–8:30 chhungin Bible Study a awm thin ang a, zirtirtu tur chu Rev. Dr. Vanlalnghaka Ralte, ATC a ni. May 4 (Zirtawpni) Chawhma dar 10:00–4:00 chhungin Rorel Inkhawm a awm ang. Zan dar 6:30-ah Pathian Biak Inkhawm a awm ang a, General Fund atan thilpek lakkhawm a ni ang a, Rev. S.T. Kaia, Manipur Synod-in thuchah a sawi ang a, Champhai Vengthlang Bial Zaipawl leh Champhai Bethel Bial Zaipawl te an zai ang.

May 5 (Inrinni) chawhma dar 10:00–4:00pm chhungin Rorel Inkhawm a awm leh ang a, zan dar 6:30-ah Pathian Biak Inkhawm a awm leh ang. He inkhawmah hian Inkhawmpui thupui- “Krista, Thilsiamte Lalpa” (Christ, the Lord of Creation) tih thupui hmangin Rev. Dr. M.J. Hynniewta, Principal, JRTS-in thu a sawi ang a, Mizoram Synod Choir bakah Ruantlang Bial Zaipawl leh Champhai Kanan Bial Zaipawl te an an zai ang.

May 6, 2012, (Pathianni) zing dar 7:30–8:30 chhungin Lalpa Zanriah Sakramen theh a ni ang a, thehtu atan Rev. Rev. S.I. lawphniaw, PCI Moderator a ni ang. Chawhma dar 10:00-12:00noon chhungin Champhai khaw chhunga kohhran hrang hrang Pathian biak inkhawm hun hmangin palaite an kal darh ang a, PCI Mission and Evangelism Fund pualin thilpek lakkhawm a ni ang.

Pathianni chawhma inkhawmah hian a thlengtu Champhai Vengsang kohhran bikah chuan Bible chhiar leh tawngtai hun hmang turin Rev. Awnkhankhup, Zou Synod ruat a ni a, Rev. Dr. Hrilrokhum Thiek, CHT Synod-in thuchah a sawi ang a, Champhai Kahrawt Bial Zaipawl leh Champhai Bethel Bial Zaipawl te an zai ang. Chawhnu dar 1:30-ah Pathian Biak Inkhawm a awm leh ang a, Rev. Dr. J.F. Jyrwa, Treasurer, Gen. Assembly-in thuchah a sawi ang a, Mizoram Synod Choir bakah Champhai Vengthlang Bial leh Ruantlang Bial Zaipawl te an zai ang.

Pathianni zan dar 7:00 Inkhawm chu Moderator Valedictory Sermon hun a ni ang a, General Fund atan thilpek lakkhawm leh a ni ang. Mizoram Synod Choir bakah Champhai Vengsang Bial Zaipawl leh Champhai Kahrawt Bial Zaipawl te an zai ang. Thawhtanniah Palaite chu mahni hmun theuh panin an haw leh ang.

PCI Assembly hnuaiyah hian Synod 8 a awm a, Inkhawmpuia hian Minister/Pastor leh Pro. Pastor tanglai leh pensioner zawng zawngte chu palai nisa an ni a, Presbytery tin atangin palai 5 theuh ruat thin an ni bawk. Assembly-ah hian Mizoram Synod Puipate - Synod Moderator Rev. Thangzauva, Upa D.P. Biakkhuma, Synod Secretary (Sr.); Rev. H. Lalrinmawia, Synod Secretary (Jr.); Rev. Zosangliana Colney & Rev. Dr. Lalhmangaiha, Synod Finance Officers leh Rev. Lalzuithanga, Executive Secretary te an kal bawk a ni.

□ Lay Leaders' Training vawi 168-na

April 25 - 28 chhung khan Synod Multipurpose Training Centre (SMTC) buatsaihin Kohhran Upate puala Lay Leaders' Training vawi 168-na neih a ni.

Training kharna inkhawm hi April 28 zanah SMTC Lecture Hall-ah neih a ni a, Rev. F. Lalrinnunga, Programme Director-in programme a kaihruai a, Synod Secretary Upa D.P. Biakkhuma Certificate hlanin Thuchah a sawi. Trainees aiawhin Upa R. Lalrinlianah thu a sawi a, NI. Baby Malsawmtluangi leh SMTC Hosteller Zaipawlten an zai bawk. Rev. C. Lianhmingthangan lawmthu sawina hun a hmang a, chairman-in malsawmna sawiin hun a khar a ni.

Tun tum, Lay Leaders' Training vawi 168-naah hian Aizawl Bethel, Aizawl Central, Aizawl Chhimthlang & Aizawl East Presbytery atangin Kohhran Upa 19 an tel thei a ni.

Synod Multipurpose Training Centre hian Vocational Training hrang hrang – Puanthui, Pheikhaw Siam, Laphiar leh Computer zirna a buatsaih thin a, mi 906 in heng vocational couse te hi an lo zir chhuak tawh a, tunah hian zirlai 94 an awm mek bawk. Kum 1996 atang khan Ministerial Training a buatsaih tan a, a vawi 167-na thlengin mi 5267 training a lo pe tawh a ni.

□ Residential Choir Conductors' Training vawi 17-na

May 1(Thawlehni) zan khan Synod Music Committee buatsaih “Residential Choir Conductors' Training” vawi 17-na chu Pi Zaii Hall, Synod Conference Centre, Mission Vengah neih a ni a, Rev. Lalzuithanga, Executive Secretary-in Pathian hnenah a hlan. Training hian May 4 (Zirtawpni) thleng a awm ang.

Pathian hnena Training hlanna inkhawm hi Rev. Lalzuithanga, Executive Secretary-in a kaihruai a, Upa Lalhmangmawia, Music Coordinator-in Introduction leh inlawmna thu a sawi a, Rev. Lalzuithanga, Executive Secretary-in Training hi Pathian hnenah a hlanin training hi a hawng a ni. NI. Stacy V.L. Muanpuui a zai bakah Tv. Lalchuanawma, Leitan (Synod School of Music zirlai) chuan Keyboard play a entir bawk. Training-ah hian Bial hrang hrang (Champhai Kahrawt, Champhai Vengthlang, Damparengpui, E. Lungdar, Farkawn, Hmuntha, Kanhmun, Kawrthah, Khawbung, Khawhai, Khawlailung, Khuangleng, Lunglei Venglai, Lungpho leh Vanzau) atangin Kohhran tin aiawh mi pakhat zel tel tura sawm an ni a, mi 60 an lo tel thei a ni. Tun tumah hian Upa H. Lalhmangmawia, Pu Lalromawia, Pu H. Lalrinmawia, Upa F. Lalthanmawia, Pu Benjamin Sailo leh Tv. H. Lalthazuala ten Music leh a kaihnawih thil pawimawh hrang hrangte zirtirna an pe ang.

Contd...

□ **Social Front-in ruihhlo do consultation buatsaih**

Mizoram Synod Social Front chuan nimin (May 2) khan Synod Conference Centre-a Pi Zaii Hall-ah Ruihhlo dona kawnga chak zawka hma lak dan tur inrawnkhawmna a buatsaih a, khawpui chung Presbyterian Kohhran Social Front Committee chairman leh ziaktu theuhte bakah CYMA, Mizoram Excise & Narcotics Department-te sawm an ni a, mi 180 zet an tel a ni.

He inrawnkhawmna hi Rev. Lalzuithanga, Executive Secretary, Social Front changtuin a kaihruai a, Social Front buatsaih concept paper zirho a nih hnuah inrawnkhawmna neih zui a ni. Concept paper-ah hian ruihhlo dona kawnga Mizoram Presbyterian Kohhranin hma a lo lak tawhnate tarlan a ni a, kohhran chu dan lektu a nih loh avangin a tih theihna lam demand tihtawp tuma tha a thawh reng thu tarlan a ni.

Mizoram Presbyterian Kohhran chuan thalaite rilruah ruihhlo mamawhna a bo theihna turin inzirtirna chi hrang hrang bakah camping, seminar leh workshop te buatsaihin Zoram hmun hrang hranga kohhran tam takah kalin programme a buatsaih thin a. Ruihhlo vanga buaite tan Rescue Home siamin mi tam tak an enkawl tawh baw a ni.

Mizorama ruihhlo hluar chho zel titawp tura beitu pawl hrang hrangte tha tichak turin Mizoram Presbyterian Kohhran chuan a theihna lai laia lo tan ve chu a tih tura ngaiin Synod 2011 khan Ruihhlo Dotute tha tichak zawnga hma lak a rel a, vawiin thleng hian heti lam zawng hian tha a thawh chho ta ngar ngar a ni.

Mizoram Excise & Narcotics Department Record-a a lan danin kum 1984 atang khan Mizoramah drugs vanga thi hriat tan a ni a, chuta tanga kum 2011 November ni 3 thlenga hriat theih chinah mi 1194 zetin ruihhlo chi hrang hrang avang hian nunna an lo chan tawh a, heng zinga 1073 te hi mipa niin mi 121 te chu hmeichhia an ni. Theihpatawpa tha thawhtute avangin kan thalaite zingah ruihhlo vanga thi hi zawi zawiin an kiam ve hret hret zel a ni.

Inrawnkhawmnaa kalte chuan hetiang hian rawtna an siam :

Kohhran tih tur -

1. Presbyterian Kohhran member zu zuar tih hriat chian leh an rui lai hmuh ngeite chu PCI Dan bung 3:1 angin hma lak ni se.
2. Zu in pawizia inzirtirna lehkhabu, Comics/Animation leh Drama te buatsaih ni se.
3. Zu zuartuten eizawna kawng dang an zawh theih nan hma lak ni se
4. MLTP Act hmanga zu man reng reng khawiah mah chhuak leh tawh lo se
5. Pulpit sermon-a sawi rik tam lehzual
6. Zua harsatna neite buaipui
7. Counselling lama tan lak

Sawrkara beisei tur -

1. MLTP Act-a hremna awm hi tun aia na zawka siam
2. Zu in phalna pek fimkhur leh zual leh permit lem enfiah
3. Ram pawn atanga zu in turrawn la lutte Vairengte check gate leh Lengpui Airport-a check uluk leh hmelhriat nei thate phurh tlangtir loh

□ **Synod Misison Board**

◆ **Missionary Retreat for North East Region**

May 17 - 20 hian Bethlehem Kohhranah Missionary Retreat for North East Region neih a ni dawn a, thupuih 'Hma i sawn zel ang u' (Philippi 3:16) tih an hmang ang a, Speaker atan Rev. Vanlalzuata, Senior Executive Secretary an hmang ang. Retreat-ah hian 'Character Study - Zawlnei Habakuka' zirho a ni ang a, Rev. Lalbiaknia i/c Bethlehem Pastor Bial-in a zirpui thin ang.

Retreat-ah hian North East huam chungah Synod Mission Board Missionary leh an kawppui te, Field Worker Mizo te, Partnership hnuai Mizo te, Tent Making Ministry hnuai Mizo te leh Kohhran leh mimal chawm Mizo Missionary te tel tura tih an ni.

◆ **Ringthar**

Tripura Mission Field huam chungah January - April, 2012 chungin ringthar 716 an awm thar tih thu Field Secretary hnen atangin dawn a ni. An rawngbawlina Pathianin mal a sawm zel theih nan tawngtainaah i hre reng an u.

□ **NEICCWA Biennial Assembly wawi 10-na**

May 3 - 6 chung hian Nongpoh Presbyterian Church, Ribhoi Synod, Meghalaya-ah North East India Christian Council Women Assembly (NEICCWA) Biennial Assembly wawi 10-na neih a ni dawn a, thupuih 'Dive Deeper' (Li thuk lam pan) Luka 5:4 tih an hmang ang. Thupui hmang hian mi hrang hrang hnen atangin thuchah ngaihthlak thin a ni ang a, zing karah Dr. Lalrindiki Ralte, ATC Lecturer hovin Bible Study neih thin a ni baw a ni.

Assembly-ah hian Central Kohhran Hmeichhe aiawha palai turin Pi Lalrinkimi, Kohhran Hmeichhe Coordinator; Pi Laldawnkimi, Central Kohhran Hmeichhe Asst. Secretary; Central Kohhran Hmeichhe Committee member 13 leh Bial aiawh mi 15 ten nimin (May 2) zing khan Synod Office, Mission Veng atangin Aizawl an chhuahsan a ni.

Vawiin (May 3) hi Palai thenkim ni a ni a, zanah Assembly hawna leh Palai lawmna inkhawm neih a ni ang. May 4 (Zirtawpni) hian nilengin mithiamte paper buatsaih hmangin seminar neih a ni ang a, sawihona leh hmalak dan turte an rel baw a ni. Seminar thupui leh resource person-te chu :

Session I : Human Trafficking : India Scenario (Mrs. Rachel Pradhan, Executive Secretary, AICCW)
 Session II : Human Trafficking : Church Response (Dr. Hrangthanchhungi, Executive Secretary, NCCI)
 Session III : Human Trafficking : Theological Perspective (Dr. Lalnghakthuami, ATC Lecturer)

May 5 (Inrinni)-ah nilengin Rorel inkhawm neih a ni ang a, tlai dar 3:00 atangin Exhibition & Sale neih a ni ang. May 6 (Pathianni) zan inkhawmah hruaitu tharte lawmluh an ni ang.

□ **Synod Bookroom Conference 2012**

May 10 & 11 hian Zosaphluia Building, Mission Vengah Synod Bookroom Conference 2012 neih a ni dawn a, Conference neih chung hian Synod Bookroom Branch zawng zawngte khar a ni ang.

Synod Bookroom Conference-ah hian rawngbawlina dinmun inhrilhrinatna te neih a ni ang a, Financial Year thar 2012 - 2013 atana Sales Target-te buatsaih leh a ni ang. Synod Bookroom Branch tinte hnen

atangin Incharge-te leh mawhphurtu hrang hrangte hnen atangin 2011 - 2012 Report ngaihthlak a ni ang a, Branch tithate hnenah lawmman sem a ni nghal baw k ang.

May 11 (Zirtawpni) chawhnuah Thlarau lam intuaitharna neih a ang a, Speaker atan Rev. Vanlalzuata, Senior Executive Secretary an hmang ang.

☐ **MSSU**

♦ May 5 (Inrinni) hian Khatla North Kohhranah Sunday School Zirtirtu Training neih a ni dawn a, training neihpui tur hian Upa Dr. Lalnuntluanga, Mission Vengthlang (MSSU Trainer) leh Pu Lalthahluna Ralte, MSSU Asst. Coordinator te an kal ang.

♦ May 5 (Inrinni) hian Aizawl & Venghlui Kohhranah Sunday School Zirtirtu Training neih a ni dawn a, training neihpui tur hian Upa K. Vanlalnghaka, Ramhlun East leh Upa K. Zoremsanga, Kulikawn (MSSU Trainers) te an kal ang.

☐ **Kohhran Hmeichhia**

May 3 - 6 chung hian PCI Biennial General Assembly wavi 40-na, Champhai Vengsang Kohhrana neihah Central Kohhran Hmeichhe aiawhin Pi Laltnanmawii, Chairman leh Pi Liankimi, Fin. Secretary te an kal.

☐ **Social Front**

May 6 (Pathianni) chawhnu leh zan hian Dawrpui Vengthar Kohhranah Social Front Awareness Campaign neih a ni dawn a, Dr. Robert S. Halliday, Social Front Coordinator-in hun a hmang ang.

☐ **Kristian Thalai Pawl**

♦ May 3 - 6 chung hian PCI Biennial General Assembly wavi 40-na, Champhai Vengsang Kohhrana neihah Mizoram Synod Choir-ten zaia rawngbawlina an nei ang. Mizoram Synod Choir member-te hian May 5 (Inrinni) hian Champhai an pan ang.

♦ May 15 (Thawhlejni) hian Central KTP Committee an thukhawm leh dawn a, thu thlen tur emaw thehluk duh nei tan a rang lamin CKTP Office, Synod Office-ah thehluk theih a ni.

☐ **Hruaina Eng FM Radio & TV Programme**

♦ **MAY 4 (FM Radio @ 7:30 p.m.) :**

Choir : Synod - Kalvari Thingserh, Venghlui Pastor Bial Zaipawl - Eloi Eloi, **Thuchah** : Rev. F. Lalrinnunga - Pathian chawimawina dawng tlak mite, **Solo** : Joseph Zaihmingthanga - Nitin Lalpa, **Group** : Alpha Various Artistes Feat. Magdalene - Ka duhsam ber

♦ **MAY 6 (TV Programme @ 3:00 p.m.) :**

Choir : Kanghmun Zaipawl - Tho la i Pathian ko rawh, **Zote South Kohhran Biak In hawwna, Presbyterian Church of India 37th Biennial General Assembly, 2006, Solo** : Emily Vanlalnguani - Krista Mo

☐ **Susamachar Prasaran Programme**

May 6 (Pathianni) 5:00 pm. Hindi Gospel Programme (Susamachar Prasaran) : **Group/Choir/Solo** : Dawrpui Vengthar Pastor Bial - Kush par, **Group/Choir/Solo** : Govt Complex Kohhran - Anugrah Karii, **Sermon** : Rev B Zobiakluanga - Jagat Ki Jyoti, **Group/Choir/Solo** : Republic Veng Masihi Sangati - Falaksa, **Group/Choir/Solo** : Chhinga Veng Kohhran Masihi Sangati Zaipawl - Isu Bula Raha Hai

☐ **Moderator Programme**

Synod Moderator Rev. Thangzauva chuan May 3 - 6 chung hian PCI Biennial General Assembly wavi 40-na, Champhai Vengsang Kohhranah a tel ang.

ADVERTISEMENT

Synod Misison Board hnuai thawk turin Masihi Sangati Evangelist 4 (pali) mamawh a ni a. Hnam dang zinga rawngbawlinaa tui mi, Hindi/Bengali tawng thiam tan dil theih a ni.

1. Dilna chu plain paper-ah Secretary, Synod Mission Board, Synod Office address-a ziakin, May 14, 2012 (Thawhtanni) 4:30 p.m. thlengin Synod Misison Board Office-ah theh luh tur a ni.
2. Dilnaah chuan mahni bio-data chiang taka ziak tur a ni a, mahni lawina Kohhran Lehkha thil tel tur a ni.
3. May 15, 2012 (Thawhlejni) dar 11:00 a.m.- ah Synod Office-ah personal interview neih tur a ni.
4. Hlawh chu Synod Mission Board-in Masihi Sangati Evangelist-te a pek ang zat pek an ni ang.

REV. LALCHHUANMAWIA
Secretary
Synod Mission Board
Synod Office, Aizawl
Contact no. 0389 2325899

SYNOD BOOKROOM APRIL 2012

☐ Israel-te Riahhmun By Upa Dr. Vansanglura	Rs. 100/-
☐ Lawmna kim By Rev. Vanlalzuata	Rs 100/-
☐ Chicken Soup for the kids soul By Dr. Rualthankhuma	Rs. 150/-
☐ Isua phatsan duhlo tute Translated by K. Vanlalawia	Rs. 150/-
☐ Mizoram Synod Choir Taiwan-ah By Rev. K. Lalpiangthara	Rs. 30/-
☐ Hringnun By B. Lalremtluangi	Rs. 100/-
☐ Ni a kiam i thawk ang u By L. Thuamluaia	Rs. 100/-
☐ Hlimlai Ni By Vanlalmanawma	Rs. 80/-
☐ Politik By Zohmangaiha Chhangte	Rs. 80/-
☐ 14th November By T.C. Vanlalzauva	Rs. 180/-

PRESBYTERIAN CHURCH OF INDIA
40TH BIENNIAL GENERAL ASSEMBLY SESSION

**Place : Champhai Vengsang Presbyterian Church,
Mizoram Synod**
Dates : May 2 – 6, 2012
Theme : "Christ, the Lord of Creation"

02th May, 2012, (Wednesday) Arrival of PCI Delegates:

1:00pm – 6 :00pm : Arrival of Officers and Committee members
7:00 pm : Worship service (Local Church)
8:30 pm – 9:00 pm : Standing Committee Meeting (if any)

03rd May, 2012, (Thursday) :

7:00 am – 8:00 am : Standing Committee Meeting
9:00 am – 11:00am : Standing Committee Meeting
12:00pm – 4:00 pm : Executive Committee Meeting
6:00 pm : Inaugural Service Inaugural Procession
Bible Reading & Prayer : Upa Prof. Lianzela, Mizoram Synod
Welcome Address : Champhai Vengsang Church
Message from moderator :
Choirs : Champhai Vengsang Pastorate Choir
Champhai Kanan Pastorate Choir
8 : 00 pm : Nomination Committee

4th May, 2012, (Friday):

7:30 am – 8:30 am : Bible Study – Rev. Dr. Vanlalnghaka Ralte, ATC
10:00am – 4:00 pm : Bussiness Session
6:30 pm – 8:30 pm : Public Worship Service
Bible Reading & Prayer : Elder PW Muktieh Ri Bhoi Synod
Offering : General Fund
Speaker : Rev. S.T. Kaia, Manipur Synod
Choirs : Champhai Vengthlang Pastorate Choir
Champhai Bethel Pastorate Choir

5th May, 2012 (Saturday):

7:30 am – 8:30 am : Bible Study – Rev. Dr. Vanlalnghaka Ralte, ATC
10:00am – 4:00 pm : Business Session
6:30 pm – 8:30 pm : Public Worship Service
Bible Reading & Prayer : PYF Delegate Offering – General Fund
Theme : "Christ, the Lord of Creation"
Speaker : Rev. Dr. M.J. Hynniewta, Principal, JRTS
Choirs : Ruantlang Pastorate Choir
Champhai Kanan Pastorate Choir
Mizoram Synod Choir
Electric Veng Pastorate Choir

6th May, 2012, (Sunday):

7:30 am – 8:30 am : Holy Communion
Celebrant : Rev. Rev. S.I. lawphniaw, Moderator
10:00am -12:00noon : Public Worship Services in different Local Churches
Host Churches
Bible Reading & Prayer : Rev. Awnkhankhup, Zou Synod
Speaker : Rev. Dr. Hrilrokhum Thiek, CHT Synod
Choirs : Champhai Kahrawt Pastorate Choir
Champhai Bethel Pastorate Choir
Mizoram Synod Choir
Electric Veng Pastorate Choir

Offering in all Local Churches visited for Mission and Evangelism Fund

1:30 pm - Public Worship Service

Bible Reading & Prayer : PWF Delegate Offering – General Fund
Speaker : Rev. Dr. J.F. Jyrwa, Treasurer, Gen. Assembly
Choirs : Champhai Vengthlang Pastorate Choir
Ruantlang Pastorate Choir
Mizoram Synod Choir
Electric Veng Pastorate Choir

7:00 pm - Valedictory Sermon

Bible Reading & Prayer : Elder J.C. Gatphoh, KJP Synod Mihngi
Offering : General Fund
Valedictory Address :
Choirs : Champhai Kahrawt Pastorate Choir
Mizoram Synod Choir
Champhai Vengsang Church Choir
Vote of Thanks : Gen. Assembly, Champhai
Vengsang Presbyterian Church

Closing Hymn & Benediction :
Closing Procession :

